

**12 IUNIE**  
**RUGACIUNEA 2**  
**SF. CUVIOS**  
**ARSENIE DE LA KONEV**

**МОЛИТВА**

О, всеблаженне и богоносне Арсение, отче наш! Сый во славе Небеснаго Царя Христа Бога, предстоя престолу Его со всеми Его святыми, не презри нас, долу сущих, грешных и недостойных, пред честной иконой твоей со слезами тебе молящихся, но приими сердечное стенание и бранных устен моление сие наше: тебе бо вси молимся, о преподобне отче! И тебе умиленно просим, буди о нас ходатай и молитвенник теплейший ко всеблагому Богу. Моли благость Его, еже спасти нас от прегрешений наших, имиже вестъ судьбами. Молися щедротам Его, еже подавати щедро граду сему и всему миру потребная. Молися Дающему всем мир ниспослати мир церквам, собирая расточенная во едином и всякому верному в доме, и на пути, и на мори и повсюду дни благи и безмятежны даровати; благословити труды отцев и братий наших и простити всех

согрешения вольная и невольная, яко да сподобимся и мы грешнии вкупе с тобою славити Отца и Сына и Святаго Духа в безконечныя веки. Аминь.